

Sambüt
Yôhan
Nchih
Rơh 3

Nau bôk ăn bu gýt lor

Nơm nchih sambüt dja rnha Yôhan, păng nchih sambüt dja klăp lah ta năm 60-90. Ta nau ngơi Grek mầu ôh geh nchih rnha Yôhan ta sambüt dja, nơm nchih kuäl săk păng nơm 'Kôranh', yơn ma phung kôranh phung nsing ma Brah Krist bớh kơi jêh bu nchih nau tâm rnglăp mhe, nchih lah nơm nchih Yôhan i kôranh oh mơn Brah Krist. Bu mân lah păng nchih sambüt dja ta bon Êphêsô. Păng njuäl sambüt dja ăn ma du huê bu klô rnha Gaiyus, Gaiyus jêng kôranh phung nsing ma Brah Krist du ntük, yơn ma bân mầu ôh gýt ndr êng ta păng. Yôhan nchih sambüt Yôhan nau mhe mhan ueh đống, sambüt Yôhan rơh 1, rơh 2 ndrel ma sambüt Nau Tâm Mpoł đống.

Nau ếch ntrống ta sambüt dja

Ta sambüt dja Yôhan rnê nô Gaiyus, yorlah păng lě kơi ma phung i nsong rỏ ntük êng êng i nti nau Kôranh Brah, jêh ri păng đă Gaiyus njrăng ma du huê bu klô rnha Điotrep, yorlah Điotrep geh nuih n'hâm djơh, ndăp ma rnê du huê bu klô rnha Đêmêtrus.

Mbớh nau khlay ta nkỏ ta sambüt dja

- Nau ôp ueh lăng (1:1-4)
- Nau rnê ma Gaiyus (1:5-8)
- Điotrep, ndrel ma Đêmêtrus (1:9-12)
- Nau ntính n'glě düt (1:13-15)

Nau ôp ueh lăng

¹ Sambüt dja tă bôh gâp Yôhan i kôranh ta phung i nsing ma Brah Yêsu Krist. Dân ôp nau ueh lăng ma nô Gaiyus i gâp rông ngăn ngên.* ² Ô nô i gâp rông, gâp rnom may geh nau ueh lăng, kôt may lě geh gũ nập ta nau nsing ma Brah Krist đống. ³ Gâp geh răm maak hô ngăn, nôk oh nô ta nau nsing abă i sât tât a gâp, yorlah khân păng mboh nkoch may hôm gũ răp jăp ta nau ngăn, hôm jan tâng nau nti ngăn.* ⁴ Gâp mâu ôh geh nau răm maak i kuông rlau ma nau răm maak i gâp tâng kon sau gâp ta nau nsing jan tâng nau nti i ngăn.

Nau rnê ma Gaiyus

⁵ Ô nô ta nau nsing i gâp rông, may lě răp jăp ngăn kơ ma phung oh nô ta nau nsing i hăn trong rồ bon êng êng tât ta ntũk may, bol lah may mâu gĩt năl khân păng. ⁶ Khân păng i nây lě mboh nkoch ta phung nsing ta ntũk dja nau i may lě nhơ nau rông ma khân păng nây. Jêh ri đă may hôm kơ ndr khân pre ma hăn rồ trong, jêng tâm di ma ndr jan kar i ăn Kôranh Brah răm maak,* ⁷ yorlah khân păng hăn nsak nsong mboh nkoch nau Brah Yêsu, jêh ri khân păng mâu geh ôh sồ dơn ndr du ntil tă bôh phung i mâu nsing ma Brah Yêsu. ⁸ Lah ndr iăt ma bân blao kơ ma bunuyh i kôt nây, gay ma bân jan kar ndrrel bắ ta nau nti i ngăn.*

Nau nduih ma Diôtrep, jêh ri rnê ma Đêmêtrus

⁹ Gâp lě jêh njuăl sambüt ăn ma phung nsing ta ntũk may, yơn ma geh du huê bu klô rnha Diôtrep i bunuyh ũch jan kôranh kuông rlau bu, păng mâu ôh iăt nau hên. ¹⁰ Yơn ma nôk gâp hăn tât ta nây, gâp mra nkah păng dăng lě ndr i păng jan nây. Păng ngơi nchot ngơi djơh hên ăn

* 1:1 1:1: 2Yô 1:1 * 1:3 1:3-4: 2Yô 1:4 * 1:6 1:6: 1Kô 9:4, 9-10; Tit 3:13

* 1:8 1:8: Mat 10:40; Hêb 13:2

ma bunuyh êng, mâu đơn ma ndr i này, jêh ri păng mâu ôh rom phung oh nô ta nau nsing, buay phung i ùch rom mâu ăn rom đơng, jêh ri mprơh phung i ùch rom du lôh bơh phung nsing ta này jât.

¹¹ Ô nô i gập rờng, lơi ôh tâng jan ndr djơh, ăn tâng jan ndr ueh hỡ. Bu moh i jan ndr ueh, păng i này jêng kon Kôranh Brah, yơn ma bu moh i jan ndr djơh, păng mâu ôh gít năl Kôranh Brah.* ¹² Yơn ma nô Đêmêtrus dăng lể bunuyh ngơi ueh ta păng dadê, bol lah i Nau Ngăn mboh nkoch ueh ta păng đơng. Lỡng gập tâm ban kot này đơng, lể mboh nkoch nau ueh ta păng đơng, may lể gít jêh nau i gập mboh nkoch này jêng di ngăn. ¹³ Geh ốk nau i gập ùch nchih njuăl ăn may, yơn ma gập mâu ùch ôh nchih ma dak krăk, ma mống nchih.* ¹⁴ Gập geh nau rơm mập may gơnh ta nar bởh nặp dja tay, ndr i gập ùch ngơi ndrel may ro. ¹⁵ Dăn nau đấp mpăn gũ ta may, dăng lể mập jăng ta dja ôp nau ueh lăng may đơng. Lah ndr i dăn may ôp nau ueh lăng ma mập jăng ta này bả.

* 1:11 1:11: 1Yô 2:29; 3:10

* 1:13 1:13-14: 2Yô 1:12

Nau Kôranh Brah Ngơi Nau Tâm Rnglăp Mhe
Mnong, Central: Nau Kôranh Brah Ngơi Nau Tâm Rnglăp Mhe New
Testament

Copyright © 2016 Wycliffe Bible Translators, Inc.

Language: Central Mnong

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 10 Feb 2021 from source files dated 6 Feb
2021

e066eeff-60da-5ff7-9822-f65015bcd247